



江北運程卷三提綱

順天東路廳武清縣至直隸天津府天津縣境

白河行武清縣自紅廟上接香河縣入境起

五里兩岸莊河武清

三里左岸王家務武清有減水河

四里左岸土門樓武清

五里半左岸打魚莊武清

二里右岸李家莊武清

六里左岸雙街武清

江北運程 卷三 提綱

二里右岸關門口武清有河西務城

三里左岸三里屯武清

三里右岸蘇家莊武清

二里半左岸八百戶武清

二里左岸白廟武清地南有耍兒渡

三里半右岸張家莊武清

三里半左岸十百戶武清

三里兩岸蒙村店武清一稱大蒙村

二里左岸蒙村武清對蒙村店言之一稱小蒙村



三里右王家莊武清

四里左岸傅官屯武清

三里左岸四百戶武清

五里邵家王甫武清

四里右岸張家王甫武清

四里魯家王甫武清

五里右岸火燒屯武清

二里元帝廟武清

二里左岸北蔡村武清

江北運程 卷三 提綱

四里右岸南蔡村武清 在武清縣城之東

三里右岸定福莊武清

二里左岸丁家園武清

三里左岸聶家嘴武清

五里右岸郭官屯武清

三里左岸筐兒港新莊武清 有減水河

三里右岸下官屯武清

二里左岸曹家莊武清

八里右岸孔官屯武清

三里右岸陳官屯武清

四里右岸鄭家樓武清

三里右岸曹家園武清

四里兩岸楊村北頭武清


五里龍王廟武清

二里右岸三里屯武清

四里右岸黃莊武清

八里右岸上老米店武清

三里右岸中老米店武清

江北運程  卷三 提綱

二里右岸下老米店武清

十里右岸馬家口武清

右自紅廟起至馬家口白河行武清縣境計程一百六十

三里下入直隸天津府天津縣界

江北運程卷三

甘泉董恂醞卿甫輯

順天東路廳武清縣至直隸天津府天津縣境

白河行武清縣。自紅廟上接香河縣入境起。

五里。兩岸。武清。

恂按武清縣志作莊窠。在坊一里。畿輔安瀾志作莊合。云南流

逕紅廟。西岸為莊合。今兩岸地皆有以莊河名者。

三里。左岸。王家務。武清。有減水河。

畿輔安瀾志白河逕牛牧屯。又南流入香河縣境。又南流入武清縣東北境。其分

支一為新引河。一為王家務引河。元史河渠志白河又南流入武清縣境。統志白河復轉

江北運程

卷三

一

而南入武清縣界。畿輔通志新引河在武清縣東。北河西務東即白河支流也。康熙五十四年開浚。謹案自通州

牛牧屯南入香河縣西北境。起東義村。南流逕灰莊。又南流逕

高家屯。東岸為李家淺。蕭家林。上淺。蕭家林下淺。板營口淺。西

汪莊。淺火燒屯。淺謝家淺。又南流逕大王莊。西岸為上王家樓。

又南流逕王家樓。又南流逕王家擺渡。又南流逕下坡莊。西岸

為支堡。又南流逕紅廟。西岸為莊合。又南流逕木廠。又南流逕

李家莊。又南流逕車營。又南流逕寇家灣。又南流。王家務引河

東出。注於寶坻縣之七里海。又南流逕雙街。西岸為功德林。南

入武清縣界。其長四十四里。舊云三十一里。蓋河流屈曲。遷徙

靡常故也。又案王家務引河。舊名青龍灣。引河在武清縣北。首起香河縣紅廟。東流入縣東北境。逕三百戶長林。又東流逕塔兒寺。殷家莊。崔家莊。馬房楊家場。又東流逕寶坻屬大口。下哨李家排。又東爲八道沽。又東流逕趙家莊。樹兒窩。狼兒窩。又東流爲油香淀。又東流逕高家莊。大白家莊。于家莊。又東流爲鯽魚淀。又東流爲東淀。又東流注甯河之後海。穿後海而出。逕倭唐兒。注於七里海。又東流入曲里海。又東流爲甯車沽。又東流與薊運河會於北塘莊入海。長百八十里。雍正九年開。方輿紀要謂龍灣河在香河縣南四十里入永平府昌黎縣之七里海。

江北運程

卷三

二

考香河在寶坻之西。寶坻東北爲玉田。東南爲甯河。正東爲豐潤。豐潤東爲灤州。昌黎又在灤州東。其間隔越灤河大川。是水安能流注於昌黎縣境耶。蓋昌黎縣東別有一七里海。紀要誤爲一也。畿輔通志雍正七年於河西務上流之青龍灣。建埧四十丈。開引河而注之七里海。導七里海水而洩之北塘口。上下分消。區畫盡善。運道民生。均獲甯謐。一統志乾隆二年移青龍灣石埧於王家務。十八年引河大加疏濬。三十二年一律疏通。按王家務引河南至七里海。計長一百五十里。下流至北塘口。入薊運河歸海。安瀾志王家務減水牐。雍正七年原建於青龍

灣。因離河稍遠。宣洩未暢。乾隆二年。移建於此。金門寬四十丈。王家務引河隄。自牖口起。至潘兒莊止。南隄長一百二十里有奇。北隄長一百六里有奇。雍正八年築。後南隄漸圯。乾隆二十一年。總督方觀承勘明。北岸隄工。上游仍歸務關同知經理。下游自大白家莊前小道起。至隄頭廢土止。長二十五里。交寶坻縣臨河村民認修。乾隆三十七年。請將王家滾埧落底。疏濬減河。培築南北兩隄。四十年。以楊村廳險工林立。工程倍繁。於務關以儘北之王家務長七十五里有奇。改隸務關同知。四十三年。復以王家務至筐兒港之六十里。河身灣曲。每遇盛漲。不能宣洩。於上游吳家窯添建草埧。以分其勢。中開引河。斜接王家務減河。以導其流。而以吳家窯埧座河隄改歸甯兒渡縣承經管。並以王家務外委撥汛內協力修防。四十五年。王家務隄漫溢。旋堵塞之。十字港石橋。大口屯橋。潘兒莊石橋。均在王家務引河上。孫家莊涵洞。乾隆二十二年建。在王家務引河北岸。康基田河渠。紀聞。雍正十年。直督劉於義議。青龍灣埧工。毋庸改作。疏稱。青龍灣埧工。

皇上親授方畧。建減水埧。以洩全河之水。使河西務險工保穩。爲運道民生永奠安瀾。筐兒港舊埧寬二十丈。不能洩水。展寬四十丈。

共成六十丈。北運河洩水始暢。雍正七年大水湧至。筐兒港以下隄岸俱得保全。此埧面寬闊之明驗。青龍灣二十丈埧面不能暢洩明矣。今何國宗不遵行四十丈原制。議埧內添建礮心十四座。每座寬七尺。其寬九丈八尺。則四十丈埧面實祇存三十丈二尺。礮心阻水。必不暢達。現未建立。乘此中止。仍照原寬四十丈。費省工倍。河西務等工程可望平穩。於運道民生實有裨益。雍正十一年。直督王朝恩奏報。伏汛水勢大漲。北運減水各埧暢洩無虞。按北河伏汛漲水。惟漳滏南北運四河水勢甚盛。一日之內。陡長丈餘。其漳河長水。挾衛汶兩河奔流而下。維

### 江北運程

### 卷三

四

時南運河東岸縷隄漾開溢。出直由南窪入海。而北運河水勢驟漲。雖亦出槽平隄。賴青龍灣筐兒港減埧宣洩。得以無事。先是何國宗牛鈕查勘北運河工程。青龍灣筐兒港均關緊要。修減水埧。開挑引河。以備宣洩。前時埧門加寬四十丈。引河亦加寬四十丈。拆去舊引河南岸廢隄。以順水勢。又沿舊隄開挑深槽。直達塌河淀。寬十丈。深三四尺。至六七尺不等。並將河口淤高。及舊河淤處。俱爲開挑。使水暢流。塌河淀下口有陳家溝舊河。寬八九丈。東隄舊河寬六七丈。賈家沽新河寬八丈。計三河寬不及三十丈。再於賈家新河旁大開洩水河。寬三十丈。俾暢

流歸海。並將河西務城北老崖舊隄。及要兒渡舊河口大垣。保護堅固。節節疏通。東水歸流。自無不固。其防者。所益於北運者不少也。故南運滄州水溢。北運得以無警。修防導流。曷可不早哉。恂按王家務畿輔義倉圖列香河縣境。縣西南境有謝家屯倉。王家務西北距倉十里。

國朝方觀承覆奏查明海口情形及南北運減河疏。臣於六月十日。至天津帶同道府箚由海河至大沽營沿途丈探。水深二三丈至五六丈不等。海船直入。俱無淤淺。惟大沽至海口十里。水深一丈二三尺。海近而水轉淺。海口正東望無涯際。而中有港路水深亦僅丈許。因詢沿海老民漁戶及熟諳汎弁。籌僉稱海口之外有橫沙一道。極爲堅硬。東西約寬三十里。南北約長四五里。謂之攔港沙。沙外大洋潮生則驟高數丈。水連一片。潮落則沙上水餘數尺。其中水港自丈許

### 江北運程

### 卷三

五

漸淺至五六尺二三尺。洋船乘潮始能出入。至平時出口之水。雖有此沙橫港。然自津達海。地勢向東。愈下。赴壑之勢。原無止息。惟夏秋之交。橫沙內外海水盈滿。不免遏阻。屆白露後十八日。乃復其常。故向有白露前海不收水之說。考之津志。載大沽口兩岸壁陡。一闕中橫土人謂之海門。鹹潮抵海門而止。若天設以限。內外等語。其海河潮汐自大沽海口西抵天津之三岔口一百七十里。又三岔河北派七十里。抵運河之楊村驛。南派四十里。抵津屬之楊柳青。西派六十里。抵大清河之癩柳樹。潮沙一日再至。起落常歷兩時。兼之潮起必有東南風。隨潮捲水。此南北運。大清子牙等河。夏秋水難暢注。且復倒漾之故也。查三岔河爲兩運兩海。承永定子牙諸水匯聚之地。在水小尚無妨礙。值河淀並漲。海門受阻。潮沙倒漾。去路既緩。來水益多。如上年九月半後。始退。即不免停積爲患。矣。臣見海門橫沙如闕。而港路下口轉高。兼有怒潮。抵樞或洋面滿盈。既不能深通。暢流自無。淤沙壅積。惟海港非內河可比。出入惟憑風潮。無可疏濬。臣查沿海港口。情形而知。南北運減河之分塗。歸海籌辦。本有成法。北運減河二道。一在務關廳王家務河。長一百四十里。由七里海入於

蘆運海河一在楊村廳筐兒港河長五十里入於壩河淀又於水利案內開挑引河亦令由七里海歸入蘆運海河長四十九里南運減河二道一在滄州捷地洪長一百八里入於母猪港一在青縣興濟鎮長九十六里亦入於母猪港並以歧口海爲歸宿當日開濬之意既除運河隄岸之險更欲其分流散沙別爲一途使兩運入三岔口之水稍減庶大清子牙諸水寬然東注於三岔口即使去路稍緩而來水不多三岔口已可容納且大清河爲兩淀尾閘尾閘暢則鳳河諸下口亦不阻遏矣近年王家務減河河身隄岸足資分洩但填門不常過水尙須查辦筐兒港減河兩隄因上年水漫殘缺臣於本年三月請動帑修築因今年兩早水未涸出無處取土水方又多廉費經通承道請暫停工其填口現於長水時仍照常過水捷地興濟二洩水之河因漲水易淤隄多殘缺每年勸民修濬不能深通堅固如壩口過水太多下游隄身卑薄附近田禾卽虞漫浸故捷地壩五海止令二洞過水與濟壩五海止令三洞過水歷係如此辦理以保民田仰懇於水退後容臣將四處減河通行查勘應修應濬酌量籌辦俾水可多洩卽夏秋水滿潮盈而上游勢分自無患害

注由

### 江北運程

#### 卷三

六

敦方觀承會奏兩運減河酌籌修濬事宜疏伏查畿輔河淀諸流及晉豫經涂大川之由直境者皆委輸於三岔口一河爲入海之路當伏秋汛漲旣苦來水之多海門潮汐日至人力難施惟有分洩之法以減匯歸之勢俾分塗入海旣可保兩運隄玉而於三岔口一帶又有釜底抽薪之益臣等查勘北運減河二道王家務減河填門寬四十丈河長一百四十里由七里海入於蘆運海河該填口門近水處所舊有土梗橫塞致運河漲水不能暢注填門應將土梗挑去令與河灘相平並將金門內外所有淤沙概加剷除露出海寬以免阻遏又河身間段填淤應挑寬深者共二十處均寬入丈深二三四尺不等其南隄自壩口起至八道沽以上現尙完整無庸加修北隄自大白莊起至積魚甸莊止卑薄殘缺應通身加寬頂底二三四尺不等又筐兒港減河填門寬六十丈河長五十里入於壩河淀已開挖引河亦令由七里海歸入蘆運海河該填於每年水長時照常過水河身現皆深通無庸挑濬其北隄自壩口至梅廠以上俱屬完整無庸加修南隄自張五家莊起至南倉道口南止卑薄殘缺有僅存隄形高僅尺許寬僅四五尺應通身加寬底頂一丈至六丈五尺

不等培高七八尺不等查王家務北隄應修工段濱臨淀窪  
筐兒港南隄應修工段地近北倉均須普加夯築至王家務  
八道沽以下之南隄筐兒港梅廠以下之北隄相距三四十  
里不等內計一百七十二村莊分隸武清寶坻甯河天津四  
縣參錯於由香積魚東瀉青里海淀每遇伏秋水盛行本  
處漚水已難消洩而塌河淀七里等後海等處之水復同時  
並漲減河下游之隄內外俱在水中常被漫刷即堅築隄工  
亦祇能約束減河之水其下游各淀與七里海諸水仍不免  
於倒漾是以兩隄內村莊歲被淹溺歷奉蠲賑查該處地畝  
多按水草科則每畝徵銀四釐又間有官監馬廠等科則每  
畝徵糧自一分至三分不等伏思水草地畝本以魚葦爲利  
非水涸甚早並葦亦無收自不應概請蠲賑今因有官監馬  
廠等賦額之地夾雜其中每遇報災請賑礙難過爲區別應  
請將一百七十二村莊內地畝通行查明就該處實在情形  
減照水草例每畝徵銀四釐如遇該處一隅之水仍於魚葦  
之利無礙即不得率請蠲賑致滋冒濫所有八道沽以下南  
隄梅廠以下北隄均無庸修築又南運減河二道捷地減河  
現在河身面寬七八丈底寬三四丈深三四五六尺不等今

應通身挑濬面寬九丈底寬五丈均深八九尺不等即將挑  
土加培兩岸隄身於緊要工段量加夯礮又隄盡處自劉三  
家莊迤東至船到溝長二百丈淤處並應挑深其河身紆曲  
自崔家莊迤東起至保家莊道口止長二千二百四十丈之  
內兜灣之處不能暢注應裁灣取直改挑直河長一千四百  
八十丈以順其勢挑出之土即以培做北隄較之挑濬迂折  
舊河更屬省便又石埧金門五空而埧內兩隄相距僅二十  
丈以致奔流衝刷隄根應各展寬十餘丈長七十丈俾能容  
蓄並酌量於出水石雁翅之下接鑲草工以資捍禦又石埧  
之南埧臺石縫滲水應拆修灌漿使一律堅固又興濟減河  
現在河身面寬七八丈底寬二三丈深四五六尺不等今應  
通身挑濬面寬九丈底寬五丈深八九尺不等挑河之土即  
用培隄其分別夯礮之處照捷地減河辦理至捷地減河近  
隄村莊窪處漚水無從消洩應添設涵洞五座於汛後水落  
時導引漚水由涵洞以歸於河興濟減河舊有涵洞二座歲  
久坍塌並應修理以消積水又兩減河村莊孔道共有水橋  
七座今河既疏濬橋應改建以便行旅以上南北運減河四  
處修濬河隄橋埧各工若照各該道屬河工成規約需費十

二萬一千餘兩臣思減河四處在武清寶坻甯河天津青縣  
滄州各境內今歲偶值偏災荷蒙給賑明春正月已屆停  
賑今將此項隄河興工代賑俾小民得以力作餬口寓賑於  
工爲惠甚溥減河興工代賑俾小民得以力作餬口寓賑於  
代賑舊例每挑土一畝給價銀三分九釐其隄工應加築  
砮者照例加給夯夫工價共約估銀九萬一千二百餘兩  
委妥幹廳印各員分段派辦該道府督率稽查又四處減河  
隄外村莊環立今大加經理嗣後村民亦不得因係官工即  
爲膜視請令該管各廳會同地方官查明附近村莊分認河  
身段落每年水過如有淤塞各按工段疏濬仍於力作時按  
戶酌借口糧秋後免息還倉該處旗民一例赴役則用力無  
多而有經人之益矣倘按此兩奏均在乾隆十六年方敏恪  
任直隸總督時程含章總陳水患情形疏畧臣聞治水如  
治病治病者必先明乎病之源流統全體而熟察之按部  
而諦審之急則治其標緩則治其本以通省之大勢觀之天  
津爲眾水出海之路若海河若塌河淀若七里海若賈家沽  
若陳家溝若三岔河若興濟若捷地若鉤盤若老黃河若筐  
兒港若王家務各減河皆所以洩水入海猶人之有尾閘也

### 江北運程

### 卷三

八

東淀迴環數百里全省之水皆停蓄於此若楊家河若楊芬  
港若臺頭若勝芳若辛張河若三泖皆淀中之河道沈泓汪  
濊猶人之有腹囊也大清子牙永定南運北運五大川乃眾  
水之大宗流貫淀中猶人之有腸藏也西淀容納順天保定  
河間三府二十餘河之水南北二洄容納正定順德廣平三  
府二十餘河之水猶人之有胃脘也而其傳送之區若大港  
若馬道若清河門若張青口若玉帶若中亭若盧僧等河猶  
人之有胸膈也其上若豬龍若九龍若府河若三岔口若新  
河若十字河若新豐河若滄河吐納各支河之水流注淀泊  
猶人之有咽喉也各屬之支港溝渠導引積水入河猶人之  
有血脈也今則消洩之尾閘無不阻塞停蓄之腹囊無不淺  
隘流貫之腸藏無不壅滯收納之胃脘無不平淺傳送之胸  
膈無不淤積吐納之咽喉無不填闕流通之血脈無不凝滯  
加以各河淀之大小隄埝橋梁無不殘缺每遇霖潦大  
至有不泛濫淫溢者乎此直隸水道受病之部位情形也伏  
思自有直隸以來卽有此河渠淀泊前乎此者不聞頽患水  
災自康熙三十九年以後常苦水澇則永定子牙二濁河築  
隄之所致也昔孫嘉淦有言永定子牙向皆無隄泥得流行

田間而水不淤淀自永定築隄東水而勝芳三角等淀皆淤  
自子牙築隄東水而臺頭等淀亦淤淀口既淤河身日高於  
是乎田水入河之路阻陳儀亦云永定自古無隄雖有遷徙  
沖蓄之虞而填淤肥美秋禾所失夏麥倍償原不足為害自  
築隄東水東流入淀於是淀病而全局皆病即永定一河亦  
自不勝其病總因濁水入淀沙散泥沈之故此又直隸水道  
致病之根源也伏查永定河自築隄以來於今已百有餘年  
河身高出平地丈有餘尺既不能挑之使平又不能廢隄不  
用雖明知病根而無法可治亦惟見病治病多開插埧以分  
其勢高築隄堰以禦其衝使不潰決為害而已至通省大局  
工段繁多自不能同時並舉惟有用治標之法先將河淀之  
尾閘胸膈咽喉一律挑挖寬深挑出之土用以築隄使窪水  
得以暢然下注然後廓清腹藏利導腸胃俟大端就理然後  
用治本之法調理血脈將各州縣之支港溝渠逐一疏通俾  
民間灌溉有資旱潦有備三五年後元氣漸復此又現在辦  
理之先後次第也又擇要疏河以紓急患疏濬之凡以順其  
治水其大要在導之一言孟子以疏濬決排釋之凡以順其  
就下之性而行所無事也是以欲治上游先治下游必尾閘

江北運程

卷三

九

暢而後腸胃之氣勢乃順欲治旁派先治中流必胸腹利而  
後四肢之血脈乃通臣等前因秋汛後積水未消已奏明先  
築千里長隄聲明應疏各河俟明春水落辦理在案今千里  
長隄已築成十分之七止餘水深之處天寒冰凍人夫難以  
立足請俟明春接築完竣惟疏河雖在明春必須早為勘估  
派定工員俾得豫行講求庶明春不致辦理倉猝查天津為  
眾水會歸之處現止有海河一道消水入海每至盛漲消洩  
不及輒汪洋一片淹沒數百里為害甚鉅應請多其途以洩  
之使眾水分道入海分洩之法其要有三一為壩河淀上承  
六減河之水下達七里海舊有壩口甯車沽二引河今查甯  
車沽一河久已壅塞該處逼近海口濁潮易淤挑濬無益惟  
天津西沽之買家口挑起展寬六十丈以洩北運大清永  
定子牙四河之水使入壩河淀再挑西隄頭引河並添建草  
埧以洩壩河淀之水使入七里海再挑邢家坨一帶展寬二  
十丈以洩七里海之水使入蘆運河以達北塘入海惟自晉  
口以下潮汐往來若就舊河展寬潮水一日再至淹深四五  
尺人力難施應於北岸陸地另開一河寬十四丈使與晉口

河並行而下。則工費較省。共估計銀十三萬二千八百五十餘兩。一爲北運河。受潮白溫榆之水。來源本大。加以大清子牙永定諸河之水。其勢更形浩瀚。舊有減河六道。現查王家務石渠年久壞爛。急應拆造。共估計料銀九萬九千四百七十餘兩。其下減河。本年夏間。因限於錢糧。略加挑濬。僅至八道。沽而止。不足以資宣洩。應再加挑挖。直達壩河。淀共估計銀一萬五千五百八十兩。其下爲筐兒港口。門寬六十丈。消水甚暢。惟引河下游淤高。又無隄堰。工程浩大。礙難辦理。臣等另摺議奏。再下則爲南倉霍家嘴辛莊。及現在展寬之賈家口。四河儘足以減洩。盛漲一爲南運河。上承漳衛。洄汝之水。渾濁而悍。每遇大雨。動輒拍岸。盈隄。舊有減河四道。在山東者。爲四女寺。哨馬營。二河。下游流入直隸。仍歸山東之海豐縣。入海。臣等接准山東撫臣來咨。四女寺減河業經修浚。哨馬營減河亦已勘估。應將直隸下游先行挑挖。等因。臣等當委熟諳工員。往勘吳橋縣境之鈎盤河。爲哨馬營支河。下游現已淤淺。又四女寺哨馬營二河。至吳橋縣。會流入老黃河。歷甯津。南皮。鹽山三縣。與東省之樂陵縣。交錯。河身狹窄。不足以容納兩河之水。均應挑挖。自慶雲以下。河道深通。毋

江北運程

卷三

十

庸估計等語。并據造送估冊。前來。臣等伏查吳橋等縣之鈎盤河。老黃河。與山東德州樂陵縣。上下相承。犬牙相錯。必須兩省同時並辦。一氣呵成。庶不致旋挑旋淤。現在天寒水凍。不能辦理。明春東省糧船過境。亦未便拆卸石壩。致礙陸路。臣等現擬俟興辦時。委大員前往覆估。咨會山東撫臣。於明秋同時辦理。在直隸境內者。爲捷地興濟二減河。捷地減河。本年春夏間。雖已估挑。因限於錢糧。丈尺不足。應再加展寬。連修石壩。雁翅。共估計銀三萬三千三百五十四兩。零。再下則爲興濟減河。久已淤平。北岸壩口。雁翅。壞爛。急應挑修。共估計銀六萬四千七百七十七兩。零。又沿河隄身。除今年擇要估修外。尚有卑薄。應間段加培。現飭天津道。逐一估計。另疏覈辦。凡此皆疏濬之事。多其途。以洩之。使全省之水。不致畢注於天津。而尾間始暢也。尾間之水。既暢。則胸腹之氣。乃通。至東淀。西淀。全省之胸腹也。東淀之扼。要在三河頭。楊家河。與南北中三股河。合查三股河。頭楊家河。本年入秋以來。業已衝刷深通。毋須挑挖。惟三股河。及苑家口一帶。間段淤淺。應加挑濬。並添建草堤。共估計銀一萬七百兩。零。西淀以清河口。馬道河。趙北口。爲扼要。今馬道河。甚爲淤淺。趙北口。連

橋上下被居民堆砌圮土爲田河窄如溝淀水爲之不流挑  
河截淤共估計銀一萬六千三百七十兩零又十二連橋橫互  
淀中乃南北往來大路今查各橋木石均已坍塌朽壞道路  
被水衝刷行旅艱難亟應興修橋築道共估計銀二萬二  
千七百七十二兩又清河口乃西淀出水門戶被白溝河橫  
衝而出每遇大雨卽挾沙帶泥不但獨占清河口且倒灌而  
西致淀水全無去路臣等前經查照舊案請開白溝河故道  
使清渾各行一路秀准在案今臣程含章督同永定河道張  
泰運清河河道陶樑覆加查勘河水之勢甚大前議開河寬二  
十丈盛漲時不足容納若兩岸築隄則工程浩大後難爲守  
不築隄則四散漫溢河身必淤不特雄縣保定霸州三處地  
畝被淹卽營田五十餘頃亦被衝刷且下游消洩不及實多  
窒礙從前乾隆年間屢奏未辦皆緣於此惟白溝之盛漲不  
減則新城雄縣之民將被其害而清河仍無出路應請自新  
城十九堡村修復盧僧河以分白溝上游之勢明春趕辦不  
及亦應俟秋間興工時估辦再由雄縣之大灣開復窰河以  
分白溝下游之勢估計銀二萬五千八百六十兩如此雖不  
能使清濁分流而白溝河經此兩河減洩之後則水之至清

### 江北運程

#### 卷三

十一

河口者已去其半清河之水可以相敵直出玉帶河矣再開  
復十望中亭河以洩玉帶河之水直達台山估計銀五萬六  
百六十兩凡此數端皆決排之事使胸腹寬舒不致脹滿爲  
患也尾閘之勢旣暢胸腹之氣漸舒則得其疏下之性而支  
派旁流乃可次第導引不致動輒爲患矣以上各工盧僧河  
及鉤盤老黃河緩至明秋辦理南運河間段培隄尙須確估  
外其餘總共銀四十七萬三千餘兩再各工皆濱臨河淀舉  
鋤見水必須水中撈土且有運遠之處此次所估土方應請  
統照通永道成規分別辦理免致工員藉口賠累致  
有草率恂按此兩奏均在道光三年任工部侍郎時

### 四里

左岸  
武清

### 土門樓

武清縣志土門樓在坊二里香河縣志有明星堂隄金雞堂隄

清水灣隄麻窩兒隄甘十八隄鉗家屯隄二百戶隄土門樓隄

恂按土門樓畿輔義倉圖列香河縣境縣西南有謝家屯倉土

門樓西距倉十一里。又義倉圖武清縣境亦有土門樓。東南距河西務倉十里。

五里半。左岸打魚莊。武清。

恂按打魚莊。畿輔義倉圖列香河縣境。縣西南有謝家屯倉。打魚莊西距倉十二里。

二里。右岸李家莊。武清。

武清縣志李家莊。在河西務里。恂按李家莊。畿輔義倉圖列香河縣境。縣西南境有謝家屯倉。李家莊西北距倉十三里。

六里。左岸雙街。武清。

江北運程

卷三

三

香河縣志有宋家灣隄。河西務隄。雙街隄。南神機營馬房莊。係蕭后運糧河水泛則上通三路隄口。一通二百戶。一通土門樓。一通雙街隄口。下經柴家莊丁家莊邵家莊出境入寶坻。在城南二十五里。恂按雙街。畿輔義倉圖列香河縣境。縣西南有謝家屯倉。雙街西北距倉十七里。至此迤南始入武清縣境。

三里。右岸關門口。武清。有河西務城。

畿輔安瀾志。白河南流入武清縣境。又南流。逕河西務城。方輿紀要。河西

務。在縣東北三十里。自元以來。皆爲漕運要途。明初大軍由直沽敗元人於河西務。今爲商民攢聚舟航輻湊之地。隆慶六年。

築城環之。可以守禦。有河西驛。並置巡司於此。長安客話。河西務。漕渠之咽喉也。春冬之交病涸。夏秋之交病溢。兩岸旅店叢集。居積百貨。爲京東第一鎮。元史食貨志。至元二十五年。於河西務置漕運司。領接海運事。元史兵志。中衛屯田。世祖至元四年。於武清香河等縣。置立十一年。以各屯地界相去百餘里。往來耕作不便。遷於河西務荒莊楊家口青臺等處。又世祖紀。至元二十四年正月。以修築柳林河隄南軍三千。浚河西務漕渠。二十六年五月。發武衛親軍千人。濬河西務至通州漕渠。二十九年二月。發通州河西務粟。賑東安固安薊州寶坻縣饑民。明

江北運程

卷三

三

實錄。仁宗洪熙元年六月。驟雨河溢。衝決河西務白浮宋家口隄岸。宣宗宣德三年六月。霖雨連旬。洪水衝決河西務及當渠里秦家口隄岸。四年二月。命隆平侯張信。同太監沐敬。浚河西務河道。及修隄岸。英宗正統六年五月。徙張家灣至河西務沿河民舍三百十三家。以礙運船繯路故也。穆宗隆慶元年六月。修河西務馬營道口隄岸。以水災衝決也。四年八月。築通州河西務城。川瀆異同。河西務西南至武清縣三十里。自河西務以至通州張家灣。計百四十里。河狹水迅。路曲沙停。凡五十有九。淺云。米萬鍾。河西務武廟記。距雍奴東北一舍而遙。有關市焉。

以其在白河之西。曰河西務。重鎮也。圖志北運河同知駐河西務。繆泳黃圖雜記河西務。萬厯中重築河隄。余有丁密雲疏河記。計東隄三百五十餘丈。西隄一百餘丈。高各三丈五尺。明王機桃柳隄。記略河西務城南隅地卑。下不可樹。藪水至則衝室廬。淹沒無算。萬厯丁亥。權河西務地官郎袁公表。捐資浚池蓄水。以防汎決。廣百餘丈。仿蘇公四周築隄。間樹桃柳。誠四序之奇觀也。恂按畿輔義倉圖。武清縣東北境有河西務倉。一統志河西務。在武清縣東南。恂按諸書俱作東北三十里。自元以來。皆爲漕

運要途。元史世祖紀。至元二十四年浚河西務漕渠。又食貨志

江北運程

卷三

古

至元二十五年於河西務置漕運司。領接海運事。舊志今爲商民攢聚舟舫輻湊之地。明設戶部分司。又置巡司。隆慶四年築城周二里許。門四。外環以池。本朝裁戶部分司。設游擊管河主簿及巡司於此。

元傳若金河西務詩驛路通畿甸。敖倉俯漕河。騎瞻西日去。帆聽北風過。燕舟車會江淮。貢賦多近聞。愁米價素食定如何。王懋德過河西務詩。霜滿平隄。柳漸凋。月移帆影過東橋。臥聽柔櫓鳴秋水。絕勝鄰雞報早朝。明吳寬宿河西務遇雪詩。客懷半落鬢毛斑。水宿淹旬去路艱。一夜雪花如席大。始知身已到燕山。李東陽舟發張家灣宿河西務作蒼茫正合塵中眼。縹緲真來水上舟。江月海雲疑是夢。畫亭詩卷坐消憂。沙邊細浪隨鷗鳥。樹裏青山入柁樓。行過驛亭三十里。五更風急任灘頭。靳貴宿河西務詩信宿河西務離心日幾回。望疑天闕近。門訝使車來。寒氣著人薄。晴光向

客開明朝須早發。匹馬上金臺。江以達河西務東談地官  
詩沙黃日赤天欲暮。長河簸濤風力怒。遠樹全分薊北門。行  
人正滯河西務。緘書寄與地官郎。可惜相逢不盡觴。扁舟兀  
兀共誰理。回首故人空斷腸。樊阜河西務詩遠樹蒼茫夕  
照低短篷沽酒泊河西。王孫歸去春無力。莎草含煙綠未齊。  
鄭伯興河西務詩早向河津涉。東風意益然。碧迎隄上柳。  
青鎖渡頭煙鶯語。聲猶澁。花飛色轉妍。春光憐已暮。更憶五  
湖船。國朝喬仙伊送劉子芟之河西務詩同是天涯客何  
堪手更分石橋人。已去流水夜還聞。羸馬嘶燕月征鴻。隔楚  
雲欲歸歸未得。一倍惜離羣。張祥河河西務詩當暑天陰  
與客便涼颺。吹上昇夫肩。羣鷗出浴平沙。五雙燕。依人曲港。  
穿鹽市。何來飛雪。將朔方爭看使風。船幾年。渴筆連朝洗。畫  
到蘆蕪。  
欲盡邊。

三里。左武  
岸三里屯。武清

一統志康熙五十年開河西務引河。五十四年復以河西務城

江北運程

卷三

五

東有舊河形。對新河下口至三里屯。長四百餘丈。開直河一道。  
於是新河之溜移流於西。而東岸大隄無虞。畿輔安瀾。志康熙  
五十年。以河西務工程險要。

親臨指授。命牛鈕開挖引河。復以河西務城東有舊河形。對新河下口  
至三里屯。長四百餘丈。

特命開直河一道。次年工成。於是新河之溜移流於西。而東岸大隄免  
於汕刷。要兒渡之衝險無虞矣。

三里。右武  
岸蘇家莊。武清

武清縣志蘇家莊在崔五里。

二里半。左岸八百戶。武清。

〔武清縣志〕八百戶。在屯衛里。畿輔義倉圖八百戶。距河西務倉

四里。

二里。左岸白廟。武清。池南有耍兒渡。

明史河渠志楊村以北。勢若建瓴。每多淤沙。夏秋水漲苦潦。冬春水微苦澀。橫潰徙改。頗與黃河同。耍兒渡者在武清通州間。尤要處也。明實錄太宗永樂十二年九月。順天府武清縣言。河決耍兒渡口。命工部遣官修築。宣宗宣德三年十二月。行在工部言。耍兒渡河水從東注。而正河淺澀。舟行不便。請急修築。從

江北運程

卷三

六

之十年七月。修耍兒渡口等處隄岸。時英宗已即位。英宗正統元年七

月。耍兒渡決。二年二月。敕五軍各營發軍一萬。工部發畿內夫

一萬。往築之。三月。行在工部奏。耍兒渡口修隄已完。又新開河。

人甚便之。乞令武清縣復民三十家。常巡視其隄。毋致傾壞。且

立神廟以鎮之。上從其請。賜號爲通濟河之神。九年閏七月。工

部右侍郎王佑言。奉敕往視水決河岸。自蒲港兒至潮縣二十

餘處。其耍兒渡尤甚。乞發丁夫物料修築。從之。天順五年七月。

修河西務耍兒渡口。憲宗成化元年三月。浚耍兒渡口。命工部

主事蔣瑄。都督同知陳達。董其役。世宗嘉靖十一年二月。修築

要兒渡黑龍口桃花口等處決口續行水金鑑

聖祖仁皇帝聖訓康熙三十七年五月初一日

上巡視武清縣隄岸眾民跪奏曰要兒渡地方自蒙

皇上修築迄今永無水患此地隄岸正當水勢衝射請於隄岸之外另

築一隄

上諭曰此隄岸之外若另作一隄爾等田畝豈不多致占廢眾民奏曰

原非一家田畝卽稍築入隄於小民亦無大損儻河水一決其

患更甚

上諭曰轉盼間雨潦將屆今歲不及修築暫立木椿堅護隄岸另開小

江北運程

卷三

七

河以殺水勢今歲田畝可以無虞俟明春雨水前另築重隄爾等田

廬俱得安固矣康熙四十三年十月初一日

上諭內務府郎中齊蘇勒曰要兒渡東旺西旺等處運河兩邊向來皆

沙其隄工係沙土築成故不堅固且敵數處山水兼之海潮一日二

次倒灌所以逼回運河之水不及流行常漲滿盈出於隄者因不能

容受之故朕前閱楊村相近有舊河形迹一道卽於此間建減水石

埧以分水勢甚爲有益此處近海疏通甚易所分之水不可使通百

靈港寶坻縣香河縣此三處地勢低窪難以抵敵至建造減水埧須

口寬四五十丈以石鋪之使尾長而斜堅固修築若水長不至四尺

不能越減水埧。可將見存舊河形迹挑寬十丈。將土卽築兩邊之隄。爾會同直隸巡撫李光地前往驗看丈量具奏。是月初二日。

上諭大學士等曰。曩日要兒渡等處隄岸常被衝決。是以朕親臨遍視。見楊村原有一引河去海尙近。卽欲疏此引河。建滾水埧。水長開牖。使河水入海。因需餉浩繁。又恐無益。故不輕舉。今遣李光地等往估。欲仍開此引河。大都天津海潮至時。一股向王慶坨。一股向楊村逆流。故河水長時。卽相觸旁流。以致隄岸衝決。今將楊村舊引河挑濬。建埧。自必有益。倘按此筐兒港減河緣起也。楊村相近舊引河。卽後日所挑之筐兒港減河。詳下筐兒港條。畿輔

義倉圖白廟。距河西務倉二里。

江北運程

卷三

文

三里半。右張家莊。武清

武清縣志張家莊在河西務里。畿輔安瀾志西岸草埧。一在張

家莊。一在王家甫。王家務把總管。畿輔義倉圖張家莊。距河西

務倉八里。

三里半。左岸。武清

武清縣志十百戶在屯衛里。畿輔義倉圖十百戶。距河西務倉

十一里。

三里。兩岸。武清蒙村店。一稱大蒙村。

武清縣志蒙村店在屯衛里。水程分汎單自華家口北頭至蒙

村店計程五十里。河西務汛所轄。刮板七副。淺夫九十名。標夫五名。畿輔義倉圖。武清縣東境稍南有蔡村倉。蒙村南距倉九里。

二里。左岸蒙村。武清對蒙村店言之。一稱小蒙村。

元史世祖紀。至元十三年八月。穿武清縣蒙村漕渠。二十三年正月。發五衛及新附軍浚蒙村漕渠。

三里。右岸王家莊。武清

武清縣志。王家莊在河西務里。

四里。左岸傅官屯。武清

江北運程

卷三

九

武清縣志。傅官屯在屯衛里。

三里。左岸四百戶。武清

武清縣志。四百戶在屯衛里。

五里。邵家王甫。武清

四里。右岸張家王甫。武清

畿輔安瀾志。乾隆三十五年。北運河水漲。決西岸之王甫汛。張家王甫隄。及東岸之周家等莊八處。縷隄。次第堵築。

四里。魯家王甫。武清

恂按。一單作黃家務。一單作王家務。方輿紀要。南北蔡村十里。

日磚廠。又十里曰黃家務。又十里曰蒙村。又十里曰白廟兒。又十里曰河西務。七省漕程。南北蔡村。十里至磚廠。十里至王家務。十里至蒙村。十里至白廟。十里至河西務。水程細數單。南蔡村。五里北蔡村。三里磚廠。六里黃家務。輿程記楊村。而西北四里。為黃家務。又三十里為河西務。皆運道所經也。日下舊聞考黃家務。在河西務東南三十里。屬武清。

五里。右岸火燒屯。武清

武清縣志。火燒屯。在屯衛里。畿輔安瀾志。西岸草垣。一在火燒屯。一在觀音堂。武清縣北汛。縣丞分管。嘉慶八年。總督顏檢楊

江北運程

卷三

三

村北汛。添設護崖草垣。奏畧。本年南運未添新工。惟北運河楊村廳北汛。火燒屯村南。月隄頭。秋汛危險。新添護崖草垣二段。北一段長二十丈。南一段長二十丈。均寬一丈七尺。高二丈二尺。畿輔義倉圖。火燒屯。南距蔡村倉八里。

二里。元帝廟。武清

二里。左岸北蔡村。武清

畿輔義倉圖。武清縣東境有蔡村倉。北蔡村南距倉四里。

四里。右岸南蔡村。武清在武清縣城之東。

武清縣志。蔡村在邱家庄里。畿輔安瀾志。逕河西務城。又南流。逕南

北蔡村直縣治東三十里。

二統志武清縣在府東南一百二十里東西距八十里南北距一百八十五里東至寶坻縣界五十五里西至東安縣界二十五里南至天津府靜海縣界一百五十里北至通州界三十五里東南至天津府天津縣治一百二十里西南至東安縣治三十五里東北至香河縣治六十里西北至通州治九十里漢置雍奴泉州二縣屬漁陽郡後漢因之晉俱屬燕國後魏太平眞君七年省泉州入雍奴爲漁陽郡治隋屬涿州唐屬幽州天寶初改曰武清遼屬析津府宋宣和中屬燕山府金屬大興府元

### 江北運程

#### 卷三

三

屬灤州明初改屬通州

本朝屬順天府圖志縣有楊村驛王

慶坨一鎮楊村河西二務管河縣丞四分駐楊村夏兒渡永定河三角淀主簿二駐河西務東楊村巡檢一駐河西務蒼葭武清縣在通州南五十里漢爲雍奴縣隸漁陽郡唐爲武清縣至今因之縣南有三角淀周二百餘里或云卽古雍奴地也水經云雍奴者藪澤之名武清縣志城邑考云唐改雍奴爲武清城距白河十七里在今邱家莊南明洪武初舊城遭水患遷縣於

西八里元衛帥府鎮撫衙卽今治也正德六年知縣陳希文始築土垣嘉靖二十二年霸州兵備副使楊天章以垣內多曠地

截去東北二面築土城樹以女牆隆慶三年巡撫都御史劉應

節總督軍務兵部侍郎譚綸墜以磚城周一千五百七十丈高

二丈七尺雉堞一千九百八十八敵臺一十八座三門各建城

樓北面無門建鎮雍樓日下舊聞考武清縣城於乾隆三十一年

重修城門三東曰遡澗西曰景岡南曰定澱北面不設門建

北極臺於其上漕河圖志縣城在漕河之西二十五里方輿紀

要白河在縣東三十五里卽運河也北接潮縣南達天津武清

縣志縣潞水流經其左渾河派衍於西白河卽北運河也古沽

水一曰白遂河俗稱自在河循按白河性悍多沙衝決無畿輔

### 江北運程

### 卷三

三

安瀾志謹案白河之名不見於古記傳惟王會上契丹事始有

白嶼河之名王會上契丹事順州東北而遼史地理志則有白

遂河遼史地理志順州過白嶼河北望銀冷山金史志則作澱金史地理志順州溫

遂澱音同特字異耳順義縣志金史溫陽縣有澱水順義縣志金史溫陽縣有兔兒山澱水今

皆不得其處良由不知澱水之卽爲白澱河也然白河之名儻

古有是稱則酈道元注水經徵引最博何爲不一及之而寰宇

記亦無聞可知至遼時此河始有是名

三里右岸定福莊武清

循按畿輔義倉圖作定鋪莊北距蔡村倉二里武清縣志作定

府莊在屯衛里。

二里。左岸丁家圈。武清

武清縣志丁家圈在屯衛里。畿輔義倉圖丁家圈西距蔡村倉

五里。

三里。左岸聶家嘴。武清

恂按武清縣志作聶家莊在灰塢口里。

五里。右岸郭官屯。武清

武清縣志郭官屯在屯衛里。水程分汛單自蒙村店起至郭官

屯計程五十一里。蔡村汛所轄刮板五副淺夫九十名標夫四

江北運程

卷三

三

名。

三里。左岸筐兒港新莊。武清有減水河。

畿輔安瀾志筐兒港減河北運河支流也。首起武清縣東南北

運河東岸隄起入塌河淀。謹案筐兒港減河首起武清縣東南

北運河東岸。中分二支。限以長隄。北支起西屈河。東流逕大石

橋。朱家馬頭。張大官莊。梅廠。郭家莊。周家莊。蔡家莊。陳家莊。楊

家河出境。入寶坻縣。韓勝莊。注於塌河淀。南支起費家莊。東流

逕褚家莊。韋家莊。梁家莊。陳彪莊。北王平。張五家莊。注於麥子

淀。由腰河入於塌河淀。穿隄而出。為陳家溝。買家口。兩引河。以

入於海。長一百里。康熙三十九年開。又案塌河淀隄。長二十四里。乾隆五年築。淀受北運河之水。派小源近浦。激常涸。自筐兒港石埧擴寬以來。偶值暴雨。怒漲盈槽。數十里間。巨浸瀾漫。極望。歷年傍淀田地。舊渠報墾。升科者淹沒俱除。糧矣。其淀身周圍。東南爲高地。西南爲引河。西北有隄。自何家莊樓接武清縣界。至孤雲寺北運河東隄止。長十八里有奇。東北有隄。自韓盛莊接武清縣界。至西隄頭止。長二十里有奇。又賈家沽道。隄引河兩岸。以東水勢俱長。二十四里有奇。乾隆五年築。明實錄。英宗正統七年七月。水決武清縣筐兒港潮縣中馬頭小蒙村河。

### 江北運程

#### 卷三

古

西務上馬頭隄岸。畿輔通志。白河會潮沽榆沙通惠諸河之水。源高勢峻。有如建瓴。而西北諸山泉流匯聚。伏秋之際。積雨未歇。怒流已至。頃刻等丈。非隄防所能捍禦也。康熙三十八年。決武清縣筐兒港。三十九年。

### 聖祖仁皇帝親臨閱視

西南會潮沽榆沙通惠諸河

命員外郎牛鈕等於衝決處。建減水石埧二十丈。開挖引河。夾以長隄。而注之塌河淀。由賈家沽道洩入海河。楊村上下百餘里。河平。

### 隄固。有

御製碑文誌其事。雍正六年。怡賢親王奏拓筐兒港舊埧闊六十丈。展。

挖引河。改築長隄。一統志康熙三十八年。決武清縣筐兒港。明年於決處建減水石埧二十丈。開引河。夾以長隄。注之塌河淀。由賈家沽洩入海。雍正六年。拓築筐兒港舊埧六十丈。重濬引河。改築長隄。乾隆三十二年。以筐兒港埧身陡下。夏秋盛漲。減水過猛。易致成坑。於石工之外。貼築灰工坦坡十五丈。使漸流勢緩。埧身永固。又築筐兒港引河南至塌河淀。計長六十四里。畿輔安瀾志。筐兒港石埧在楊家村。康熙三十九年建。金門寬二十丈。雍正四年。展寬四十丈。共寬六十丈。筐兒港減河隄。北隄自廂口起。至梅。倘按續行水金鑑作海。廠止。長三十一里有奇。南隄自廂口起。至張五莊止。長三十一里有奇。又自張五莊起。至孤雲寺止。長四十里。康熙三十九年築。天津縣主簿分管。乾隆三十五年。筐兒港修築灰工。疏濬減河。培築南北兩隄。馬家莊石橋。梅廠石橋。均在筐兒港引河上。大張家莊涵洞。乾隆二十二年修築。在筐兒港引河南岸。續行水金鑑

江北運程

卷三

五

聖祖仁皇帝聖訓。是月二十六日。

。倘按此蒙上康熙四十三年十月初一日。及是月初二日之夾。見前聖兒

條渡

上巡幸畿內。臨閱齊蘇勒等所勘薛家莊擬築減水埧處。

諭大學士等曰。此處迎溜頂衝。若築減水石埧。遇水漲時。石埧雖不妨。

而兩邊土垣可虞。如水漲過四尺。由減水垣流出。視其流高幾寸。可算知一晝夜水洩幾分。如能流洩水之三分。則大有濟矣。此處河勢南岸露出磯嘴。北邊暗被衝刷。今已近北岸矣。朕向巡幸西塞之外。見黃河一邊露出磯嘴。則一邊必然衝刷。水性原如此。朕故知之。此處斷不可築減水垣也。因問之土民。皆云三十年前河原近南岸。眾皆驚服。二十七日。

上閱視筐兒港隄工。

諭齊蘇勒等曰。昨日踏勘之處。迎溜頂衝。彼處若築減水垣甚爲可虞。儻水發時衝刷其東。則所築減水垣反在河中。徒費人工矣。其楊村

江北運程

卷三

三

以南河岸離隄雖遠。而相其地勢亦難修築。此筐兒港近處有磯嘴。與河隄相去不遠。且河路又直通舊河。取道甚順。况東邊原因修築堅固。屢經大水。並無妨礙。此處修築減水垣甚好。朕製木樁式。據與之減水垣兩邊雁翅。須令加高與隄平。其外邊流水之處。盡用石鋪。預鑿兩路柱眼。其上則搭橋以便行人。築減水垣時。須令其尾長。如此。則下注之水可無妨礙。若欲保減水垣之水溜。當於東邊酌量修築數處挑水垣。以分頂衝水勢。俟後再定。至新挑河兩邊築隄。則兩邊田地之水爲隄所阻。不能流出。或恐不利於田地。若使通於新挑河。及分減大河之水。令入漯河淀湖內。則水集而滿。必致泛溢。恐民

田地淹沒。可將湖邊丈量圍築小隄。使水不致漫流。以保護田地。修築大河兩邊隄工。附近民居。俱請加高。朕看此隄加高大。有裨益。可將此隄先修。俟工部堂官到日。爾會同前來。將舊隄加高之處。丈量估算。需用錢糧幾何。具題之日。再將修築減水坝之處定奪。又

世宗憲皇帝聖訓。雍正八年正月二十八日。

上諭內閣。北運河青龍灣。修築減水坝。并挑濬引河工程。據怡親王等奏。請交與侍郎何國宗督修。朕思原任侍郎牛鈕。在北運河管工。年久於地方情形。甚為熟練。著與何國宗協同辦理。畿輔水利四案。是年二月十四日。何國宗奏。填工河道業已興工。臣同牛鈕勘得

江北運程

卷三

三

河西務城北老涯舊隄。及要兒渡舊河口魚鱗坝。俱當大溜頂衝。亟宜保護堅固。工程極為緊要。先撥銀兩。飭發通永道興工。至三里淺火燒屯等工程。應如何修治。俟海口回日。再會勘具奏。奉

硃批。所議工程修理之處。緩急先後。俱屬合宜。三月二十四日。何國宗奏。臣同牛鈕抵海口。復溯引河。回青龍灣。將草坝工程逐項安派。并引河淺深。隄身高下。逐段估算。復於三月初五日。沿運河兩岸踏勘。查東岸三里淺一處。歷係險工。應建挑水坝一座。並將舊雞嘴坝重修。其隄灣回溜處。應修排橋一路。又筐兒港

垣門上首一處。急溜汕刷。應建挑水小板垣一座。大板垣一座。順水排椿一路。又孤雲寺一處。係大溜停灣。排椿損壞。應行修補。西岸華家口一處。係舊河上口。原有攔河垣一座。連年衝刷。僅存靠隄陡岸壁立。舊河地勢尤窪。誠恐疏失。水歸故道。致阻糧艘。應修葺工一段。又張家莊一處。係新生險工。老隄刷去。僅存月隄。仍係埽溜。應建挑水板垣一座。後接排椿。又火燒屯一處。係歷來險工。舊有排椿。應行修補。又上年水漫隄頂二十處。應行加培。以上各工。共估銀一萬九千兩。請卽動用道庫錢糧修理得。

江北運程

卷三

天

旨允。又同日奏。查看得筐兒港減水垣引河工程。除垣臺堅固。海漫三合土微有衝刷。無庸修補。金門內所衝舊土。卽本來地身。同知朱斐文已築實填平。俱毋庸議外。其減水引河。臣同牛鈕察看酌議。先經原任通永河道高鑛。將垣門加寬四十丈。其引河亦須通身挑寬四十丈。仍將舊引河南岸廢隄拆去。方爲暢順。但工繁日久。擬先於新引河中間沿舊廢隄開挑深槽。直達壩河淀。寬十丈。深三四尺至六七尺不等。並將河口淤高及舊河內淤淺處俱爲開挑。自然水流較暢。得

皇朝文獻通考 乾隆三十二年 奉

上諭朕此次巡行河淀。閱視隄防。今由運河回鑿。經筐兒港查看。勘河形勢。見埧身出水處。高於河底七尺。則遇汛漲時。所減之水。下注過猛。易致跌落成坑。排椿不無撼動。自應於石工之外。接築灰工十五丈。使坦坡漸平。以導其勢。畿輔義倉圖。筐兒港。西北距蔡村倉八里。

國朝劉於義初次水利工程疏。一塌河淀尾閘淤塞。宜加疏濬。以利宣洩也。查北運河。筐兒港。減河。上游在武清境內。口門六十丈。以天津塌河淀為過水之區。由陳家口賈家沽道兩引河歸海。歷因潮汐內灌。泥沙淤阻。夏秋漲發。減河來水積於塌淀。周圍六七十里。民不安業。其減河旁流。泛溢北運河。並西岸丁字沽至桃花寺田廬。亦遭淹沒。本年減河口門過水八九尺。地方官竭力疏導。今未涸盡。應將陳家溝。賈家沽道二河開挖寬深。丁字沽至桃花口。議築壘道。以資攔禦。

江北運程

卷三

五

統俟來歲春融辦竣。查兩處出水引河。各寬十餘丈。以消上口六十丈之水。仍有不敷。又淀水東西四十餘里。兩引河均在西南。不能全洩。應於偏東另尋水道。引流歸海。但東南一帶係甯河境。沮洳一片。現今難以躡探。須俟來年徧歷沿淀各屬。通盤勘定。另辦。倘按此奏。在乾隆九年任直隸總督時。又春融興舉各工。疏一塌河淀漲水。宜由七里海引歸。運河以資宣洩也。天津塌河淀。受北運河。筐兒港。減下之水。每夏秋漲發。不能容納。致淹沿淀地畝。臣等逐加履勘。塌河淀。東有河形一道。自西隄頭。經趙溫莊。城兒上。王家臺。至甯河。七里海。長三十餘里。由西而東。地勢甚順。應開挖深通。面寬六丈。底寬三丈。舊有河形。隨勢挑深二尺。至七尺不等。引淀水。以入七里海。至七里海之東。亦有河形一道。自營口至南溝。沽池北。長十九里。餘直達薊運河。應并開挖。面寬六丈。底寬三丈。就舊有河形。挑深一尺。至八尺不等。引流入薊運。歸海。則潦水有洩。而旱年潮汐相通。既資灌溉。兼藉汲飲。實多裨益。倘按此奏。在乾隆十一年。方觀承奏。畧據據楊村廳稟報。北運河自八月下旬以來。水已漸落。筐兒港。減河。石埧業經斷流。詎本月初十一連日大雨水。又驟長。筐兒港。

過水六丈與南運交界渾溝汎一帶在在平隄拍岸探因近日德州漫水由景州歸入青靜之鮑家嘴河間所受武強等處薄沱漫水由五官淀出王村插歸柴火淀任邱鄭州諸水由里長橋出趙王河並歸柴火淀致南運大清二河壅積不下俱由三岔河溢入北運而潮汐倍盛常年尾閘阻遏適值十四日西北風晝夜不息乘潮鼓浪遂於十五日將東岸之馬頭莊孤雲寺于家莊三處縷隄漫溢數丈十數丈不等隄上小堰並間段汕刷數處幸係浮面之水溢出隄頂不虞奪溜隄外即接塌河大河尙無淹及村莊惟馬家莊一處附隄民房間被泡塌現在備集夫料速籌堵築等情臣查運河隄岸關係緊要今同時漫溢數處且地近北倉臣馳赴該處所需夫料甚多須飭附近州縣合力購備地屬南北河交錯之區應交通永天津二道合辦董率廳員分定公築處所同時並舉上緊堵塞倘按此奏在乾隆二十六年九月時任直隸

總督

三里。右岸下官屯。武清

江北運程

卷三

三

武清縣志下官屯在屯衛里。畿輔義倉圖下官屯北距蔡村倉十二里。

二里。左岸曹家莊。武清

恂按畿輔義倉圖下官屯孔官屯之間爲白駒廠。無曹家莊名。

武清縣志屯衛里亦無曹家莊名。

八里。右岸孔官屯。武清

武清縣志孔官屯在屯衛里。畿輔義倉圖武清東南境有楊村

倉孔官屯南距倉八里。

三里。右岸陳官屯。武清

武清縣志陳官屯在屯衛里

四里。右岸鄭家樓。

武清縣志鄭家樓在屯衛里。畿輔義倉圖鄭家樓南距楊村倉

八里。

三里。右岸曹家園。

武清縣志曹家園在屯衛里。畿輔義倉圖曹家園南距楊村倉

三里。

四里。兩岸楊村北頭。

畿輔安瀾志巡南北蔡村又南流逕楊村務。一統志楊村務在武清

江北運程

卷三

縣東南五十里。輿程記楊村而東二十里為桃花口。又二十里

為丁字沽。由楊村而西北四十里為黃家務。又三十里為河西

務。皆運道所經也。方輿紀要楊村驛在縣南五十里。建文三年

平安敗燕兵於楊村。進攻通州不克。宣德初。駕征高煦。駐於楊

村。卽此。舊有巡司。今設管河通判駐焉。元史世祖紀。至元十三

年七月。以楊村至灣雞泊漕渠洄遠。改從孫家務。又巴延傳。至

元十九年。用丞相巴延言。初通海道。漕運抵直沽。以達京城。立

四運糧萬戶三。以羅璧朱清與張瑄為之。璧首部漕舟。由海洋抵

楊村。不十日入京師。巴延蒙古語富也。舊作伯顏今改。武清縣志楊村河西楊

村河東均在灰塢口里。畿輔安瀾志。西岸草埠一。在西楊村。一在馬家莊。楊村南汎把總管。東岸草埠一。在三里淺。三里淺把總管。一在東楊村。武清縣楊村縣丞管。圖志。管糧通判一。駐楊村。戶部則例。直隸省舊設撥船一千五百隻。派撥天津縣三百四十隻。武清縣二百二十隻。靜海縣滄州各八十隻。青縣南皮縣交河縣吳橋縣東光縣各六十隻。大城縣文安縣各四十隻。任邱縣新安縣各三十隻。香河縣雄縣霸州安州各二十隻。嘉慶十六年添造船一千隻。分

派沿河十八州縣經管。於漕船未到之前。運赴楊村。令楊村通判驗明完固。點收起撥。卽責令該通判經管彈壓。事竣。仍歸原管州縣水次收管。漕運全書。楊村以上至通州。河流灣曲。最易

### 江北運程

#### 卷三

三

淤阻。坐糧廳向設刮板四十副。重運到時。設有淺阻。立用刮板開通。每副需夫二十五名。乾隆二年裁贍刮板三十副。副設夫

頭一名。日給工食銀八分。乾隆二十三年。以北河六汎。循按通州下汎。張灣上汎。張灣下汎。河西務汎。楊村汎。州上汎。

向設刮板三十副。汎設五副。額有淺

夫八十名。祇敷刮板三副之用。其餘二副虛設。查楊村一汎。近海通潮。淤淺無多。奏准減留三副。其餘五汎各設五副。每副用

夫二十名。可以足用。應添淺夫八十名。以楊村裁贍之二十名。

湊足百名。分撥五汎。循按是時計六汎。刮板二十八副。淺夫五百六十名。乾隆五十三年。

總漕毓奇。請於六汎外添設二汎。經倉場奏明。通州上下二汎。

中間一帶河面寬闊。每遇春夏水弱。及秋間水落後。淤淺散漫。船多阻滯。今於此二汛交界處安設一汛。作爲通州中汛。添設汛弁一員。刮板五副。淺夫一百名。又南北蔡村等處河道一段。每遇水落。多露橫沙。今於蔡村安設一汛。添設汛弁一員。刮板五副。淺夫一百名。汛弁由附近河標調撥。俸廉等項均照六汛。

循按至是計八汛刮板三十八副淺夫七百六十名

國朝方觀承查明楊村驛路積水情形疏據武清縣稟稱六月以來陰雨連綿龐家莊等十村地勢窪下又兼河漲秋禾多淹臣查北運河今年水發不大東西兩淀上游各河道亦無盛漲惟南運河挾漳衛之水奔流浩瀚在在平槽七月初尚漲水八寸南運自靜海獨流鎮起至天津之楊柳青止四十里內兩岸無隄如遇淀漲則令東洩入運運漲則令西洩

### 江北運程

#### 卷三

三

入淀乃係舊定機宜今年南運水大俱於楊柳青洩入淀河仍由大清河歸入西沽一時宜洩不及卽由韓家樹小堰北漫於北運河西岸之後如武清龐家莊西北瀝水與之相接俱屯積於運河隄後是以高出桃花口一帶疊道漫連隄河而武清楊村驛之大路皆有積水也已令該道府查明水勢設法疏洩循按此奏在乾隆十六年明顧夢圭夜泊楊村詩秋風嫋嫋燕山外海月娟娟潞水隈萬里舟航心已倦六年官闕夢初回金莖不慰文園渴羽扇難遮紫陌埃寄語三江好泉石征夫還逐雁南來馬臻舟次楊村作前望同舟遠不分打頭風急御河渾蹇驢無力牽船纜行到楊村日已昏國朝尤洞楊村詩雁飛不斷向黃昏哀叫西風逆浪痕此夜高樓迴首望不知漂泊在楊村張祥河楊村餼詩騷經何處問餵鵠野店題餼與客嘗漫向詩中嘲夢得欲從花下笑賞郎春絲疊罷層層輦玉粉蒸來稜稜香黛入桓元書入坐先聞餅餌香倦極藜牀皆適體飢來塵飯亦充腸村雞喔喔催行早驛馬蕭蕭恨路長殘夢昨醒聞鵲噪始知身已出重洋

五里。龍王廟。武清

漕運全書通州至楊村沙嘴尖突之處。朱家河底礮石。龍王廟

河底瓦礮。乾隆二年奏准。於霜降水涸時。令坐糧廳估挑。次年

倉場以隨挑隨淤奏明停止。

二里。右岸三里屯。武清

四里。右岸黃莊。武清

武清縣志黃莊在趙甫莊里。畿輔義倉圖黃莊東北距楊村倉

五里。

八里。右岸上老米店。武清

江北運程

卷三

三

三里。右岸中老米店。武清

二里。右岸下老米店。武清

武清縣志老米店在趙甫莊里。七省漕程天津衛運河自楊青

驛十里至丁字沽三汊河十里至尹兒灣十里至桃花口十里

至蒲溝十里至下老米店。畿輔義倉圖老米店北距楊村倉十

一里。

十里。右岸馬家口。武清

畿輔安瀾志楊村務又南流。逕淖溝新莊。西南流逕馬家口。武清

縣志河由香河石灰廠村至紅廟入縣境。逕河西務要兒渡王

家務蒙村蔡村桃園筐兒港楊村朱家莊老米店以上八處有  
淺馬家口至浮溝新莊出縣境入天津縣界赴直沽入海畿輔  
安瀾志嘉慶十一年直督裘行簡馬家工填西接建草坵奏畧

本年自入伏汛以來河水節次長發兩岸向無埽工一經大溜

側注汕刷隄根更爲喫緊北運河通判所管楊村南汛馬家工  
埽西險工一段正當迎溜埽灣衝刷隄身形勢險要接建草坵

一段長四十丈寬一丈四尺高二丈二尺謹案河自縣東北境

之雙街與香河縣接界又南流逕河西務又南流逕務關城又

南流逕天齊廟務關同知楊村通判交界於此又南流逕陳家莊東卽要兒渡

江北運程

卷三

三

又南流逕三里屯又南流逕蘇家莊又南流逕八百戶其南有

草坵又南流逕張家莊其南有板坵又南流逕十百戶又南流

逕蒙村店在河又南流逕蒙村在河又南流逕王家莊又南流

逕四百戶又南流逕富官屯又南流逕楊家王甫又南流逕魯

家王甫又南流逕三里淺又南流逕火燒屯又南流逕磚廠又

南流逕北蔡村在河又南流逕南蔡村又南流逕丁家園又南

流逕定福莊又南流逕聶官屯又南流逕中豐屯又南流逕尖

子窩又南流逕韓家營又南流逕陳官屯又南流逕下官屯又

南流逕白駒廠又南流逕筐兒港又南流逕

御碑亭

康熙四十九年建

有引河東出。注於壩河淀。又南流逕費家莊。又南流

逕孔官屯。又南流逕包家營。又南流逕薛家莊。西岸為鄭家樓。

又南流逕柴關。西岸為曹家園。又南流逕徐官屯。又南流逕東

楊村。

在河東岸

又南流逕西楊村。在河西岸又南流逕下蔡園。又南流逕

三里屯。又南流逕下朱家莊。西岸為黃家莊。又南流逕高家樓。

西岸為上老米店。又南流逕雙廟。西岸為觀音堂。又南流逕鄒

家村。又南流逕陳家莊。西岸為下老米店。又南流逕太平莊。稍

東為泮溝新莊。迤西即馬家口。下入天津縣界。共長一百五十

里有奇。河防志武清縣運河東岸隄王二十號第一號東要兒

江北運程

卷三

美

渡口隄。

長一千九百一十丈

第二號八百戶口隄。

長九百六十五丈

第三號四百

戶口隄。

長九百七十丈

第四號東黑龍口隄。

長六百四十八丈

第五號四百戶

口即小王家甫隄。

長七百一十丈

第六號三里淺口隄。

長一千四百一十四丈

第七

號北蔡村口隄。

長八百六十七丈

第八號桃源口隄。

長九百六十丈

第九號筐

兒港隄。

長一千一百七十八丈七尺

第十號徐官屯口隄。

長一千八百一十丈

第十一號

東寶家口隄。

長六百一十丈

第十二號承安口即閻王廟口隄。

長七百六十丈

第十三號

朱龍口隄。

長二百六十五丈

第十四號閻家灣口隄。

長一千八百九

第十五號

孫明口隄。

長一千八百一十丈

第十六號白馬灣口隄。

長一千四百四

第十七號

閻洪口隄。

長九百一十丈

第十八號張官屯口隄。

長六百三十丈

第

十九號

閻洪口隄。

長九百一十丈

第

二十號

十九號小新流口隄。長九百丈第二十號信艾口隄。長七百二十丈西岸隄。

工二十四號第一號沙河李家口隄。長七百七十六丈第二號閻家口隄。長三百一十丈第三號車營口隄。長五百四十四丈第四號劉吉口隄。長一百四十一丈第五號棉花市口隄。長七十三丈第六號鐵牛口隄。長八十八丈第七號西耍兒渡口隄。長四百三十二丈第八號白廟口隄。長八百五十二丈第九號西黑龍口隄。長八百一十丈第十號黃鬚口即傳官屯隄。長一千一百五十五丈

第十一號西王家甫口隄。長一千六百一十丈第十二號灰窩口隄。長一千一百二十丈第十三號聶卞官屯口隄。長一千二百一十五丈第十四號白駒廠口隄。長一千八百一十丈第十五號鄭陳官口隄。長九百三十丈第十六號紫官

江北運程

洶口隄。長一千一十一丈第十七號王才口隄。長一千三十丈第十八號西竇家口隄。長八百一十丈第十九號馬家口隄。長一千九百八十丈第二十號劉灣口隄。長一千六百二十丈第二十一號蔡家口隄。長二百二十丈第二十二號桃花口隄。長三千二百五十丈第二十三號毛家口隄。長三百六十六丈第二十四號李家口隄。長七百二十丈畿輔義倉圖汗口辛莊北距楊村倉十二里。

馬家口北距楊村倉十八里。

右自紅廟起至馬家口白河行武清縣境計程一百六十

三里下入直隸天津府天津縣界。

其北自白河與富河在通州北石坨處合流四十里許至張家灣而通惠桑乾諸河入焉南流至天津出海所謂潞

河按治河要覽言通州香河武清三州縣運河

卷三

毛

河也亦稱白河自通州石坨起至天津衛界止計程三百四十二里與今里數稍異詳見下卷望海寺三岔河口條下又按蒿里雲程紅廟五里沙河溝五里打魚莊五里河西務七里夏兒渡七里九百戶屯五里大蒙村五里四百戶屯五里王家鋪五里火燒屯七里北蔡村三里南蔡村十里聶家嘴五里卜官屯五里定風莊七里御坨五里楊家莊五里薛家莊六里楊村驛八里王莊十里下老米店五里馬家口計自紅廟至馬家口共一百二十五里武清縣東境河道循按名勝志言武清縣南有三角淀古雍南行稍東順流淀在今縣南八十里

雍奴縣西入筍溝遼史游幸表與宗重熙八年八月獵於

武清之葦甸是也甸亦作淀古惟以三角淀為最大明統志三角淀周圍

二百餘里范甕口王慶坨河掘河越深河劉道口河魚兒里河諸水所聚東會秋沽港入於海今則東西

### 江北運程

### 卷三

三

廣六七里南北袤十餘里謹案三角淀之名不知所自防太平寰宇記古三角城在文安

縣西北二十里後趙石勒築是本城名為水所濬即以其名名之淀向為東西二淀七十二清河之會歸方輿紀要

名勝志畿輔通志明統志武清縣志皆謂周圍二百餘里一統志謂古惟三角淀為最大及當西沽之上故諸水皆

匯入焉延袤霸州文安大城武清東安靜海之境東西互百六十餘里南北二三十里或六七十里為七十二清河

之匯濬永定河自西北來子牙河自東南來咸入之今考其地東西六七里南北十餘里已非古時舊蹟自雍正五

年秋改永定河入淀出老河頭濁流停淤乾隆四年河北折入沙家淀三角淀淤地數百頃墜畦相望禾黍鬱然竟

成沃壤小民雖獲畊種之微利而東南失一受水之險淀水易漲亦未必不由此也此謹案下亦安瀾志夾下同

統於東淀為今東淀中三十三淀之一保定二霸州五東安文安十九大

城四靜海一合武清縣之三角淀是為東淀中之三十畿三淀天津西沽納三角淀之水其沽泊均不以淀名

輔安瀾志紀東西二淀之淀西三十九泊東二窪六港西

東套東四窩東四坑東二溝西一灣西一潭東一沽東一甚悉備錄於此西

淀跨保定府之安州新安雄縣高陽河間府之任邱縣境

起自安州高陽新安任邱四縣之白洋淀東迄任邱縣之

柴禾淀西北迄新安縣之燒車淀自白洋淀東北為端村

新安縣志白洋淀卽九十九淀之一也謹案白洋淀有東西二淀西白洋淀在新安縣南十餘里南北袤三里東西

廣二里東距東白洋淀水路六里新安任邱二縣其之東白洋淀在新安縣南二十里直端村之南南接任邱縣西

北五十里之關城村與安州高陽接界南北袤十里東西廣八里高陽安新安任邱四州縣其之高陽新安得十分

之八安州任邱各得十分之一白洋淀名見宋史河渠志

洋本作羊古無東西之分因淀日淤高遂中分為二水小

江北運程

卷三

之年東西二淀中有河路通行又東為郝淀在白洋淀東

相距六里水大之年仍混為一

新安縣東南二十里直白洋淀東北端村東南又東為小

郝村淀東南曰前潭淀後潭淀潭通志在任邱縣西北四

十里俱南北袤二里半東西廣二里前潭至後潭水路半

里新安任邱兩屬新四任六又東南曰興隆淀本名居龍

改今名為前潭後潭眾水所歸又東北曰范車淀張家淀又東北曰虎皮

淀南北袤一里東西廣二里水路二里至平陽淀南北袤

四里東西廣三里水路二里至池魚淀南北袤二里東西

廣三里水路二里西北至絲窩淀南北袤二里東西廣二

里半。水路一里。東至江水。南北袤一里半。東西廣二里。水路一里。東至王家港。南北袤二里。東西廣一里半。東北至趙北口

里。又東南為十方院。又東北曰邢家溝。大港淀。自前潭而下至此皆

在任邱縣境直縣治西北。又東曰柴禾淀。在雄縣東南十餘里。續行水金鑑作

柴火淀。又東曰五官淀。蒲淀。掘鯉淀。在邱縣志掘鯉淀在縣東北。旱則飛沙澇

則溟海。卽九十九淀之一。謹案此為淀名。最古者左思魏都賦掘鯉之淀是也。柴禾淀之北曰

茅兒灣。又北曰神機營淀。又西曰清河門。又西曰黑洋淀。

在雄縣東南。又西南曰趙北口。在任邱縣北六十里。北至

雄縣十二里。跨西淀之中。南去十方院二里。又北曰高家

江北運程 卷三 卅

港。在新安縣東四十里。距趙北口五里。又北曰窩羅淀。一名

絲羅。在高家港北。屬雄縣境。又西曰蓮花淀。勞家淀。卽宋史河

渠志。勞家淀。石臼淀。又西北曰梁大淀。直蔡家淀。西北在

新安縣東北三十里。又西北曰通流淀。一名流。在雄縣西

十里。方二十里。又西南曰燒車淀。匯於郭里口。

聖祖仁皇帝水圍

行宮在焉。謹案燒車淀有東西二名。皆在新安縣東十餘里。其連通流淀者名東燒車淀。又西名西燒車淀。二淀相

通。周四十里。郭里口在新安縣東二十里。眾淀環之。東雙

淀。蔡家淀。勞家淀。蓮花淀。北梁大淀。流通淀。西北燒車淀。西鴨圈淀。西南光華淀。南河洛。郭里口之東曰雙淀。又南

淀。龍王淀。東南光淀。絲窩淀。

三里曰河洛淀。南北袤一里半。東西廣一里。新安任邱兩屬。新七任。三路一里。南至光淀。直郭里口。東南一十二里。在任邱縣西北五十三里。南北袤三里。東西廣二里。水路半里。南至龍王淀。新安任邱兩屬。新三任。七。南北袤一里。東西廣二里。又西一里。為洛汪淀。新安任邱兩屬。新三任。七。南北袤二里半。東西廣二里。匯於圈頭。

聖祖仁皇帝水圍

行宮在焉。

謹案洛汪淀今俗訛為落網淀。明成祖過此命軍士築臺名曰樂駕。今淀北里許尚有地。則是洛汪當為樂王也。圈頭在新安縣西十里。眾淀環之。東北池魚淀。東平陽淀。東南虎皮淀。張家淀。燒車淀。西南大麥淀。西北小

江北運程

卷三

望

麥淀洛汪 圈頭之西曰大麥淀。在任邱縣西北四十里。南

北袤一里。東西廣一里。小麥淀在新安縣東南三十里。中

麥淀。又在小麥淀西北。皆相連接。又大麥淀西小麥淀東

曰葦子淀。葦子淀東為石猴淀。又東即 又鴨圈淀。俗訛為

續行水金鑑 直燒車淀。南在新安縣東八里。其東南為光

華淀。光華西南為楊家淀。楊家淀北為王家淀。匯於端村。

聖祖仁皇帝水圍

行宮在焉。

謹案端村在新安縣東二十里。眾淀環之。北楊家淀。光華淀。維圈淀。東北中麥淀。小麥淀。東郝淀。石曰淀。東南前潭淀。後潭淀。西南白洋淀。計東西袤一百二十里。南北廣二三十

里至六七十里。周圍三百三十里。中爲趙北口。西自安州來者曰依城河。府河下流也。凡會十三水。曰滿城縣之渝水。魚水。完縣之濡水。蘇水。蒲水。五雲水。流九水。唐水。望都縣之博水。九龍泉水。清苑縣之沈水。安肅縣之曹河。易州之徐河。西北自安肅縣來者曰雹河。卽南易水。凡會五水。曰易州之孔水。滹水。安肅縣之曲水。河。雞爪河。萍泉河。合之本河。共六河。西南自高陽來者曰豬龍河。滹滋沙三水。下流也。凡會二十三水。曰廣昌縣之倒馬關水。溫泉水。一名湯河。曲陽縣之恆水。漱玉泉水。三會河。靈河。唐山縣之唐河。亦名逆涿

江北運程

卷三

聖

河 雹水。河灣里。河。定州之荻水。盧奴水。清水。阜城縣之北流。河。鶴子河。班峪河。臙脂河。平陽河。當城河。唐縣之曲河。郃河。汶河。新樂縣之木刀溝水。浴河。合之滹滋沙。共二十六河。北自雄縣來者曰白溝河。巨馬河。下流也。凡會二十七水。曰涑水。縣之涑水。范水。檀山水。石泉水。白澗溪水。清河。道闌河。易州之易水。中易水也。濡水一名北濡。卽北易水。源泉水。子莊溪水。白楊水。軍士川水。灌河。五里河。宛平縣之丹陵泚水。房山縣之防水。良鄉縣之琉璃河。廣陽河。鹽溝河。涿州之桃水。胡良河。挾河。涼水河。新城縣之斗門河。紫泉河。共

爲七十二河。故曰七十二清河總匯也。以上西淀中以淀名凡四十一。合大

麥中麥小麥三淀爲一。則三十九統名。東淀跨順天府之西淀七十二河咸入之。下游匯於東淀。

保定霸州文安大城東安武清天津府之靜海天津八州

縣境。西自茅兒灣過張青口。至保定縣曰玉帶河。至苑家

口曰會同河。過蘇家橋曰三岔河。凡西淀之水悉匯焉。西

自蘇家橋東抵楊家橋三河頭。東西袤一百四十餘里。往

時子牙河由王家口入淀。永定河由柳岔口入淀。北自東

安之東沽港。南至靜海之獨流坑。南北廣一百餘里。畿輔通志

東淀延霸州文安大城武清東安靜海之境。東西直百六十餘里。南北二三十里及六七十里不等。蓋七十二清河

江北運程

卷三

望

之所匯潞也。永定河自西北來子牙河自南來咸入之。後永定河改由三角淀入河

頭子牙另爲一河。築隄分隔。淀水所至。南北相距僅五六

十里。周圍四百餘里。地雖廣而淀多淤。其名亦不可悉數

矣。今其可考者在保定縣曰張青口荷花淀。糧料淀。張青口在

保定縣西二十里。自口而西爲西淀。自口而東爲東淀。荷花淀糧料淀俱在縣西北。糧料淀今淤。在霸州

者魚津窪。苑家口田家套楊家套郝家套長港窪。金水窪。

高橋淀。堂二淀。佛堂淀。小淀。鴨鴻淀。苑家口在霸州東南十八里。清河至此眾

流會歸。故有會同之名。田家套在霸州東四十餘里。田家

口東田家套東爲楊家套。又東爲郝家套。又東南爲長港

窪。在高橋村之南。金水窪之水往時穿之。而過金水窪。一名津水窪。在霸州東五十里。郝家套東北。永定河東支之

所歸也。今淤。高橋淀在霸州東七十里之高橋村。東今淤。堂二淀一名文爾淀在霸州東七十里之堂二村。與高橋窪相接。佛堂淀在大浪淀東五里。在東安曰琅川淀。在縣今淤。又南爲小淀。又東爲鳴鴻淀。

南七十里。往時清河北派由之入磨汶港。在文安縣曰蒼

耳淀。縣北少東五十里。在縣東北二十里之急流村。即急流口也。縣東北七十里

爲勝芳淀。古武平亭也。蒼耳淀東南爲張家窪。縣東北四

十里爲石城淀。又東北爲曹家泊。曹家泊東二里許爲秋

麥淀。北爲托蓮淀。托蓮淀北爲鴻鵠港。又東爲筆筒泊。又

東爲沙尖淀。縣東北石溝村南爲黑母淀。淀在石溝村東。南。西距慈姥淀

半里許。往時子牙河西北流。逕傅官營穿之而過。至石溝會清河。黑母淀東爲蓮花淀。亦

江北運程

卷三

四

名蓮花泊。蓮花泊南爲車道泊。東爲西叉子泊。又東爲團

泊。又東爲東叉子泊。與麻地泊相接。東北爲紫草泊。石溝

村之西北爲磨磨淀。磨磨淀東北爲落陂淀。一名扣浪泊。

東南爲慈姥淀。西北爲郭家窪。又西北爲紀家窪。紀家窪

東北爲小淀。又東爲蔡家淀。與霸州之長港相接。石溝之

西南爲小東泊。又西南爲大港。大港東南爲丁字淀。丁字

淀東北爲汪家淀。汪家淀南十里許爲荷葉淀。縣東北之

宗續行水金鑑作宋口里南爲趙家泊。即趙淀也。謹案太平寰宇記。滹沱河水在

文安縣西北三十里。縣南五六里許爲牛臺淀。東北七八

東溢爲趙淀。今淤。

里許爲火燒淀。今淤。畿輔通志火燒淀在文安縣東二十里。廣四十餘畝。東北有石溝河柳

河急水河。皆聚於此。縣北三十里爲白龍淀。在朱雀房南。西北直蘇

家橋三里許。謹案白龍火燒牛臺荷葉四淀今皆在千里長隄內不與東淀相通矣。在大城

縣曰李子淀。在縣北少東五十里。東距子牙河東隄數里。

縣北四十里爲蘇窪淀。與文安接壤。其西數里卽牛臺淀。

又臺頭村西南三里許爲韓家泊。黃义村東爲大槽子泊。

大槽北里許爲傅家莊泊。又北爲泥鰕港。泥鰕東接蓮花

泊。又東半里許爲東蓮花泊。東蓮花泊北三里許爲灰窩。

灰窩與靜海接壤卽宋史河渠志之灰淀也。西灰窩在蘇地泊北。西灰東爲西

江北運程

卷三

壘

張窩。又東爲東張窩。西灰東北爲小清泊。東灰西南爲台

蒲淀。又三家淀。在縣東北。今湮。謹案畿輔通志三家淀爲大城文安靜海三縣之交

文大之間。由此北下。明萬厯中靜海民築隄障。水文大兩縣俱被水害。縣令梁綱請於撫按開之。此淀今不知所在。

文安亦不與靜海連境也。在東安縣東南曰褚河港。往時清河北支由

高橋信安下入褚河港。東沽港歸三角淀。今淤。在武清縣

東南曰東沽港。今淤。縣南八十里曰三角淀。古雖奴水也。

一名筍溝。亦曰葦淀。東西廣六七里。南北袤十餘里。往時

永定河子牙河大清河咸入之。今皆改流。惟清河經此。在

靜海縣西北曰大水套。與大城之東蓮花泊相接。大水套

東里許爲陳家坑。陳家坑東北四里許爲四角淀。又東北四里許爲閻家坑。又東北爲羊芬港。又縣西北爲蛤蜊泊。青縣西南亦有蛤蜊泊。與此同名異處。又名蛤蜊河。蛤蜊泊北里許爲第六鋪泊。後泊。後泊北里許爲烏龍泊。又東北爲蒲泊。在天津縣西北。爲蒿浪泊。俗名郝浪泊。縣東北五里爲丁字沽。卽西沽也。

上納三角淀之水。會南北二運河入於海。卽清河入運處。

東淀中子淀凡三十三。合西淀中之三十九。淀計共七十二。隴案許氏說文不載淀字。廣韻淀泊屬韻。會淀洩泉也。劉淵林魏都賦。注淀者如淵而淺也。水經注鮑水篇南至泉州東極於海。謂之雍奴。藪其澤野有九十九澱。新唐書地理志瀛州鄭縣九十九澱。皆不詳其目。一以爲雝奴。今武清縣也。一以爲鄭縣。今在邱境也。大抵由東迄西與今

### 江北運程

### 卷三

吳

東西淀不相懸殊。宋史河渠志載塘樂緣邊諸水自清苑迄於滄州。特以爲險。要限制契丹。元時亦嘗浚治。元史河渠志大定三年。都水監言河間水患在檢河。自北門外依舊疏通。至大城縣界。以洩上源水。引入鹽河。古稱玉帶河。自軍司口浚至雄州。歸信安縣。以導淀。樂積潦。注之易河。黃龍港。自瑣井口開鑿。至文安縣。瓊瑁口。以導灤水。經火燒淀。轉流入海。尋以歲旱。罷。明人以爲渾河所決入。故西北則開中亭十望等河。而東南則築長隄。竭力捍禦。迄今吞納畿西巨川。有翁受含蓄。淤衍積宣之功。當其潦時。千頃無涸。民居高阜。宛在水中。若至大旱。各淀分區。如盆如盎。星列碁布。僅通細渠。相爲纏絡。然而菱芡蒲葦。鳧魚蟹蛤之屬。仰食其利者。不可勝計。淀以四角河爲翁受。以清河爲統率。趙北口橋其門戶也。大港引河其輔導也。玉帶河其總歸也。茅兒灣張青口則其尾閘也。總號曰西。以對東而言也。西淀爲七十二清河之所歸。諸志之言皆然而究無所考。實文安縣志據明統志。順天水匯通惠河者十。五保定水匯瓦濟河者三十。河間水匯易水者四。正定水匯滹沱者十四。匯瓦濟易水者經縣之西北。匯滹沱者經

縣之東南俱達於武平雍奴下直沽入海水自霸州注者為廣陽水涿水范水鹽溝水盧溝河巨馬河胡良河挾河琉璃河沙河龍泉水玉帶河滋河汭河霸水共十五水惟桑乾最大自雄縣安州注者為白溝河梁河土尾河徐河方順河長流河溫義河高村河紫泉河五里河巨馬河白澗河唐河沙河滋河滹沱河雄河鴉兒河道關河邢水易水女思谷水濡水涑水雷溪子莊溪清苑河石橋河一畝泉雞距泉共三十河惟白溝最大自河間任邱注者為滹沱河澧水西韓河甘洵河綿蔓河松陽河衛河濊河派河騰脂河當城河郃河濁漳河清漳河夾河恆水倒馬關水曹河高陽河長豐渠五官淀共二十一河惟滹沱最大志成於康熙四十二年迄今百餘年矣然其中水道多有不合所數諸水或一河而分為二或二河而并為一又或即泉源所起以為名或因支流所在以指數未能一一悉當明時又有南六水北九水共十五水之說南六水謂黑洋淀一畝泉方順河唐河滋河沙河北九水謂盧溝巨馬挾活琉璃胡良桑乾烏流白澗白溝蓋指其大者而言然南六水不舉徐曹雹而指黑洋一畝北九水不舉易水而稱

江北運程

卷三

聖

白澗皆為失倫至白溝為巨馬河之下流烏流河今已不能指目其處亦非確論今皆考定詳著於篇又會雹河者尚有安肅縣之梁門陂水會豬龍河者尚有高陽縣之高河會白溝河者尚有易州之擔石水紫石溪水女思谷水柳亭溝水礮石水涿州之范陽陂水督亢陂水雖志乘羅列其名而源泉久已湮廢亦不復列東淀為西北羣川之下游而天津又為東淀委輸子牙永定二水至此亦復通流逆注達於海河伏秋時節強潮抵悟俗有勃海經白露乃納眾水之說各道汎漲爭趨駢會於三岔口不致倒漾橫決者既賴南北各減河分流瀉洩而東淀以寬綽鍾受俾七十二清河長津巨派安緩舒徐順流無患皆其力也淀中支津交錯隨地易名潦水瀾漫則南以格淀為限北以永定河老隄為限而鳳河會入所在迤東以北一帶則又以韓家樹橫限丁字沽晏道為限永定河舊由臺頭勝芳等處入淀自雍正五年改流王慶坨勝芳以東始無哽壅乾隆十年子牙河挾南北泊之水逕出獨流村而臺頭以西更無阻滯惟大清河統匯淀中支渠安流東赴合南北運河至三岔口歸於海河迄今文安大城以東南北縱

河隄堰免於決突之患皆濁流不入之功也然歲久填淤已多淺澀而蘆葦菰蔣叢生密布大汛轉礙河流夏秋之交霍雨驟下夾壅泥沙積墊水底非開展河身修固隄防不能永保無患坐船淺夫之設在當日有深意焉新

唐書地理志瀛州鄭有九十九澗水經注鮑水篇又稱泉州雖奴藪其澤野有九十九澗是則西起高陽新安西南

起任邱西北起雄縣東抵保定霸州文安大城靜海東北迄於東安武清皆九十九澗之區也東西其總名耳今數

其目載西淀者為淀凡三十九港二溝一灣一載東淀者為淀凡三十三泊二十三港五窪六窩四套四坑二潭一

沽一考高陽縣志又有羅漢淀在縣東南三十里梁淀縣東二十里紫

江北運程

卷三

吳

淀縣東南二十五里馬棚淀縣東北二十里蟹子窪圍頭北四里牛蹶窪蟹子窪北

五新安縣志又有杜家淀在縣南十里鴨圈淀縣東十里楊家淀里周四里

鴨圈王家淀縣東十五里流自白洋淀來雄縣志又有馬務淀一名馬埠淀方

三十里在馬務村白淀稻淀各方二三里綠鬚淀方五六里鉅鬚

淀方五里在開口村菱角淀亦在開口村方十里在邢哥莊

青草淀方五里在王林菰蔣淀方三里在李家莊黃淀方十里在西樓村任邱縣志又有黑

耳淀在河莊葫蘆淀在司馬莊金陂淀在香港屯西荷花淀縣南荷花村

三澹淀縣北三里柳圈淀花草淀俱在市莊八角淀荒蕪淀俱在市莊綠窩淀縣西

東北花淀縣西北四十二里水落淀在趙北口東糝淀在梁家莊

北五蓮花泊縣南馬圈泊在縣南鮎魚泊縣北齊家泊縣東

南百家窪市莊霸州志又有水紋淀文安縣志又有柴城

淀橋兒窪在縣章村西南洋洛窪在董哥莊後底窪在留寨村北紅窪在縣氏村

北畿輔通志在雄縣者又有臺河淀襄子淀在任邱者又

有凡察淀縣西北狐狸淀縣西在保定縣者又有麒麟窪

在縣孝順窪縣南在霸州者又有回淀在霸州東西二里南北八里在文

安縣者又有狐狸淀寰宇記文安縣狐狸淀李齊淀流河淀風定掃

葉錄又有浮雞淀黃龍淀孟家淀亦當在東西淀之中其

得淀四十四窪九泊四宋史河渠志又有破船淀方淀鵝

巢淀陳大淀燕丹淀大光淀得勝淀下光淀小蘭淀大蘭

淀百水淀大蓮花淀洛陽淀牛橫淀康池淀疇淀又得十

六淀其邊吳淀屬安肅境者不與焉大約今東西兩淀中

其迹現存其名可考者為淀凡一百三十二港七泊二十

七窪十五窩四套四坑二溝一灣一潭一沽一然畿輔通

志狐狸淀任邱文安兩載似屬重出蓮花淀雄縣文安兩

見小淀霸州大城兩見而第六鋪泊則起於乾隆十年築

隔淀大隄而後高陽縣馬棚淀又因宋時牧馬得名出於

唐以後且今所記諸淀名多不雅馴非古九十九淀中舊

江北運程

卷三

吳

稱備載其目俾後有所考焉

江北運程

卷三

辛

江北運程卷三終

